



Trg pravde 10, 76100 Brčko distrikat Bosne i Hercegovine; web: jt-brckodistrikbih.pravosudje.ba; tel: 049/217-227; faks: 049/219-088; e-pošta: jtbd@jtbd.ba
Trg pravde 10, 76100 Брчко дистрикт Босне и Херцеговине; web: jt-brckodistrikbih.pravosudje.ba; тел: 049/217-227; факс: 049/219-088; е-пошта: jtbd@jtbd.ba

SAOPŠTENJE ZA JAVNOST

Vaspitna mjeru **maloljetniku koji je iz vazdušne puške usmrtio drugog maloljetnika**

(Brčko, 25.06.2025. godine)

Osnovni sud Brčko distrikta BiH izrekao je maloljetniku, koji je iz vazdušne puške usmrtio drugog maloljetnika, vaspitnu mjeru "Pojačanog nadzora nadležnog organa socijalnog staranja" u trajanju od najmanje šest mjeseci, a najduže dvije godine, zbog učinjenog krivičnog djela „Ubistvo iz nehata“.

Podsjetimo, Tužilaštvo Brčko distrikta BiH je u mjesecu novembru 2023. godine podnijelo nadležnom суду prijedlog za izricanje zavodske vaspitne mjeru „Upućivanja u vaspitnu ustanovu“ prema maloljetniku koji je u večernjim satima 3. aprila 2023. godine u Brčkom iz vazdušne puške usmrtio drugog maloljetnika. Na osnovu svih izvedenih dokaza u toku postupka učinjeno krivično djelo je pravno kvalifikovanao kao "Ubistvo iz nehata".

Nakon provedenog krivičnog postupka prema ovom maloljetnom licu, Osnovni sud Brčko distrikta BiH je Rješenjem od 29. maja 2025. godine, a dostavljeno 24. juna 2025. godine, oglasio odgovornim ovog maloljetnika za učinjeno krivično djelo „Ubistvo iz nehata“ i izrekao mu vaspitnu mjeru iz člana 39. Zakona o zaštiti i postupanju sa djecom i maloljetnicima u krivičnom postupku, odnosno blažu vaspitnu mjeru od one koju je predložilo Tužilaštvo Brčko distrikta BiH.

Cijeneći da izrečena mjeru nije adekvatna za učinjeno kivično djelo, Tužilaštvo Brčko distrikta BiH će uložiti žalbu u dijelu koji se odnosi na vrstu izrečene vaspitne mjere.

Ovom objavom ne prejuducira se ishod krivičnog postupka i ne narušava princip presumpcije nevinosti. Svako se smatra nevinim dok se pravosnažnom presuduom ne utvrdi njegova krivica.

**VRŠILAC DUŽNOSTI
GLAVNOG TUŽIOCA
RADMILO IVANOVIĆ**